

Majol

Jemenei eo ej kotlok an wor jimwe im maron in anemkoj an kabun, im kien eo ej kautiej jimwe im maron in anemkoj in im ej kile wewen ko jet non komani makitkit in jar ko an kabun ko.

Kien eo iolap ej kautiej jimwe im maron in anemkoj non kajutak kabun ko . Ejelok oktak in an Kien eo iolep kautiej jimwe im maron in anemkoj an kabun ilo tore in im repoot in ear jeje.

Ejelok aban ear walok ak kakkure im kalijeeklok ko rar walok non jabrewct armij ro im eoktak tomak in kabun ak jikin kabun ko rej bed ie, im wewen aer komani wewen kabun ko aer.

Kien eo an Amerika. ear kenono iben Kien eo iolep kin jimwe im maron in anemkoj an kabun einwot ke ej mottan unleplep eo non konmanlok jimwe im maron in anemkoj ko an armij.

SECTION I. KATAK EO KIN JONAN ARMIJ RO ILO KABUN KO ILO AILIN KEIN

Ailin kein rej mottan ailin jikid ko im belaak eo an im drettan ej 70 mile ko im woran armij ro ie ej 53,200. Kabun ko rellap uaeer ekoba kabun eo an United Church of Christ (et eo kar mokta Congregational), woran armij ro ie ej 51.5 percent in aolep en armij in ailin kein; Assemblies of God, 24.2 percent woran armij ro ie; Roman Catholic ej 8.4 percent woran armij ro ie; Church of Jesus Christ of Latter-day Saints (Mormon) ej 8.3 percent woran armij ro ie. Bar einwot Bukot Non Jesus (ej part eo kein karuo ear walok jen Assembly of God), ewor 2.2 percent woran armij ro ie, Baptist, ej 1.0 percent woran armij ro ie; Seventh-day Adventists, 0.9 percent woran armij ro ie; Full Gospel ej 0.7 percent woran armij ro ie; im Baha'i, 0.6 percent woran armij ro ie. Ro jet im rej jab bed ilo kabun eiet wot uaeer. Kabun eo an Jehovah Witness, ewor tomak bwe woran armij ro ie ej jibuku wot, im ri –Jew ro ewor wot 20 uaeer im Ahmadiyya Muslim ro ewor ilal in lok 10 armij ro ie.

Section II. Wewen an Kien eo iolap kautiej Jimwe im Maron in Anemkoj an Kabun

KAKIEN AK MONAKJEN EO ILOAN JERBAL IN:

Jemenei eo ej kotlok bwe en wor jimwe im maron in anemkoj non kabun im kakien im wewen ko jet rej bar kili anemkoj in,

Ejelok juon kabun emake lok iaan im ej an Kien eo iolap, ijoke Christianity ej kabun eo ekajur ilo an lonlok uaan armij im manit eo ear bed ie. Kien eo iolap im makitkit im kwelok ko an rellap rej ijino im kojemlok ilo jar ko koman jen ri-kaki in kabun ko, ak armij ro jet jen kabun ko im ewor aer melim non komani jar ko .

Kien eo iolap ej kautiej ran ko rellap an kabun im rej mottan ran in kakije ko rellap einwot in: Good Friday (Belaire eo eman), Gospel Day (Ran eo an Kojbel eo), im Christmas (Ran in Krijmaj).

Ewor dri-kaki in kabun ko jen lal ko ilikin im rej jermal ilo kabun ko ilo an ejelok kabanban ko non ir. Jikul ko an kabun ko make rej: Jikul eo an mon Katlik, Jikul eo an Jar in Radikdron, Jikul eo an Assembly of God (Ebeye), jikul eo an Seventh-day Adventist, im Jikul eo an Baptist.

ABAN KIN JIMWE IM MARON IN ANEMKOJ AN KABUN.

Kien eo iolap ej kejbarok im kautiej jimwe im maron in anemkoj an Kabun. Kien eo iolap ear jab koman oktak ko non kadrik lok kautiej jimwe im maron in anemkoj an kabun ko ilo tore in im repoot in ear jeje.

Ejelok repoot kin an kar wor ro rar drebij ir ak ro rar kalibuiji kin wot tomak in kabun ko aer ilo Ailin Kein

IUUNI ARMIJ BWE REN IUAAN JUON KABUN

Ejelok repoot in an walok jermal in iuuni armij ro bwe ren bed im iaan juon kabun., ajiri ro.

SECTION III. WEWEN AN ARMIJ RO KAUTIEJ JIMWE IM MARON IN ANEMKOJ AN KABUN KO.

Ejelok repoot ko rej kwalok bwe ear wor jorren im kakkure ko im kalijeek lok ko rar walok non armij ro ikijien tomak im wewen aer komani makitkit ko an kabun ko aer.

SECTION IV. ELAAJRAK IN KAKIEN KO AN KIEN EO AN AMERIKA NON LOORE.

Kien eo an Amerika ear kenono iben Kien eo an Ailin Kein einwot ke ej mottan unlelep ko an kein non konmanlok jimwe im maron in anemkoj ko an armij.